

Saksnr: 2022/14883-13**Saksbehandlar:** Bjørg Larsen**Saksgang**

Utval	Utv.saksnr.	Møtedato
Hovudutval for kultur, idrett og integrering		17.11.2022

Fylkeskommunalt investeringstilskot til større idrettsanlegg – tildeling 2022**Forslag til vedtak**

Hovudutval for kultur, idrett og integrering vedtek å løyve 3 000 000 kroner fordelt slik:

Søkn.nr.	Søklar	Prosjektnamn	Tilrådd sum
1	Bergen kommune	Fana stadion	1 350 000
2	Bergen kommune	AdO arena	650 000
3	Bergen kommune	Åsane arena	1 000 000

Løyvingane vert dekt innanfor vedteke budsjett for 2022 frå post 460 103, anlegg for større meisterskap.

Samandrag

Innsatsområdet er forankra i Regional kulturplan for Hordaland (2015-2025) og i Regional kulturplan for Sogn og Fjordane (2019-2027).

Fellesnemnda vedtok 18. juni 2019 Anleggspolitikk og kriterier for tildeling av spelemidlar til anlegg for fysisk aktivitet, idrett og friluftsliv for Vestland fylkeskommune med handlingsprogram 2020-2024. Om toppidrettsanlegg står det følgjande: «Toppidrett har sterke særiddretslege krav til anleggsbygging og -utvikling. Det må byggjast store og kostnadskrevjande anlegg med regional og nasjonal verdi for at unge lovande utøvarar og toppidrettsutøvarar skal kunne utvikle seg vidare i fylket, og at Vestland skal kunne vere vertskap for større internasjonale og nasjonale meisterskap».

Tiltak 4 i handlingsprogrammet omhandlar investeringstilskot til større idrettsanlegg. Føremålet er å medverke til at regionen utviklar kostnadskrevjande idrettsanlegg som har regional og nasjonal verdi, der ein kan arrangere nasjonale og internasjonale meisterskap. Store meisterskap vil kunne skape breitt engasjement, samhald, motivasjon til idrettsleg satsing og positive ringverknader for næringslivet.

Ordninga med fylkeskommunalt investeringstilskot har eksistert i Hordaland fylkeskommune sidan 1993. Hovudutval for kultur, idrett og integrering vedtok retningsliner for ordninga 13.2.2020.

Per Morten Ekerhovd

Britt Karen Spjeld

avdelingsdirektør
Kultur, idrett og inkludering (KII)

seksjonsleiar

Saksframlegget er godkjent elektronisk og har difor inga handskriven underskrift

Vedlegg: Søknader for 2022

Saksutgreiing

Bakgrunn for saka

Ordninga med fylkeskommunalt investeringstilskot til større idrettsanlegg har eksistert i Hordaland fylkeskommune sidan 1993 med litt ulike kriterier. Dei som tidlegare har fått investeringstilskot frå denne ordninga i Hordaland er samla i oversyn som er lagt ved.

Ordninga med fylkeskommunalt investeringstilskot har vore eit viktig bidrag for at meisterskap kan bli arrangert i Vestland fylke. Toppidretten har sterke sær-idrettslege krav til anleggsbygging og -utvikling som gjer at kostnadane blir særst høge. Deler av kostnadane til oppgradering av anlegga blir ikkje dekkja gjennom spelemiddelordninga (dekker inntil 1/3 av byggekostnadane). Spelemiddelordninga dekker heller ikkje kostnadar til utstyr.

Store meisterskap vil kunne skape breitt engasjement, samhald, motivasjon til idrettsleg satsing og positive ringverknader for næringslivet. Det er viktig å posisjonere Vestland som vertskap for større arrangement.

Vestland fylkeskommune kan også gje støtte til kommunar som ikkje har symjebasseng og/eller idrettshall og som vil byggje denne type anlegg. Det var ikkje motteke søknadar i denne kategorien i 2022.

Føremål for ordninga

Vestland fylkeskommune sitt investeringstilskot skal medverke til at regionen utviklar store og kostnadskrevjande idrettsanlegg som kan vere vertskap for nasjonale og internasjonale meisterskap.

Generelt:

Vedtakskompetanse: Hovudutval for kultur, idrett og integrering, jf. vedteke reglement for hovudutval for kultur, idrett og integrering, punkt 3.

Budsjett 2022:	Sum 3 000 000 kr dekkja over post 460.103, anlegg for større meisterskap
Søknadsfrist 2022:	1. oktober 2022
Vedtak kriteria:	Hovudutval for kultur og integrering den 13.2.2020 med PS 10/2020.
Kriteria og informasjon om ordninga:	https://www.vestlandfylke.no/idrett-og-friluftsliv/idrett/investeringstilskot-til-anlegg-der-ein-kan-arrangere-storre-nasjonale-og-internasjonale-meisterskap/

2022

Tal på søknadar:	3
Tal på søknadar som vart tildelt støtte:	3
Samla søknadssum:	Sum 6 319 000 kr
Samla løyving:	Sum 3 000 000 kr

Absolutte kriteria

Søknad om investeringstilskot skal sendast via kommunen og innehalde skildring av anlegget med finansieringsplan og kostnadsoverslag. Vestland fylkeskommune føreset tidleg dialog om utvikling av nye anlegg. Søknaden knytt til anlegg der ein ønskjer å arrangere meisterskap, skal innehalde ei vurdering frå respektivt særforbund om den nasjonale verdien til anlegget, og kva arrangement anlegget er planlagt å vere vertskap for. Om det vert søkt om investeringstilskot til eit anlegg innan same idrett som finst frå før i Vestland, er det opp til søkjar å skildre kva som skil anlegget frå det som allereie eksisterer. Storleik på tilskot blir vurdert i høve til kostnadssum og eventuelle tilskot frå andre fylkeskommunale tilskotsordningar.

Kommunar som ikkje har symjehall/idrettshall og søker støtte til dette, må ha anlegget forankra i ein vedteken kommunal plan som omfattar fysisk aktivitet, idrett og friluftsliv.

Vedtakskompetanse

Hovudutval for kultur, idrett og integrering, jf. vedteke reglement for hovudutval for kultur, idrett og integrering, punkt 3: Saker der utvalet har avgjerdsmynde, kulepunkt 3: fordeling av fylkeskommunale tilskots- og stønadsordningar innanfor sitt arbeidsområde.

Vurderingar og verknader

Økonomi:

Tildelinga er i samsvar med budsjett 2022, dekkja over post 460.103, anlegg for større meisterskap.

Klima:

Avdelingsdirektør kan ikkje sjå at ordninga har monaleg klimaavtrykk.

Folkehelse:

Regional plan for folkehelse 2115-2025 fleire gode leveår for alle. Kultur- og idrettsopplevingar har positiv verknad på folkehelsa.

Utviklingsplan for Vestland 2020-2024 (Regional planstrategi):

Bidreg til å realisere Regional plan for kultur i Sogn og Fjordane 2019-2027 Kultur for alle og regional plan for kultur i Hordaland 2015-2025.

Konklusjon

Avdelingsdirektør tilrår at forslag til vedtak vert følgd. Dette vil vere med på støtte opp under Bergen som vertskommune for store idrettsarrangement.